

清六大家絕句鈔


表隨園


八

內閣文庫			
函	冊	號	類
二〇七	一	三八四六	和書
架	冊	號	類

漢書門			
冊	架	函	號
一	二	八	一六
冊	架	函	號

內閣文庫			
番號	和	38464	
冊數	12	(8)
函號	207		37





隨園絕句抄卷七

明治十五年購求

紀遊類三

留別南溪太守

年々吳下往來頻。此日登車屢看身。分寺漸難垂淚
易。大家都是六旬人。

平生筆墨等塗鴉。底事知音有伯牙。千幅魚箋畫不
了。教儂手腕脫君家。

斯人風骨最崢嶸。霜肅南窗冷似水。爲歎三生狂杜
牧。幾宵花影漾紅燈。

隨園絕句抄

卷七

愛屋由來更及烏。金錢頒賜到輿夫。問君一句廉泉水。除我曾分別客無。

已投車轄井闌邊。更繫驪駒薄暮天。臨去故人如落月。得留一刻也欣然。

十年不召老淮陽。宦海升沈莫慷慨。一个蘓州韋太守。至今名姓壓侯王。

桂郎歸後。是夕客寓憮然。不能成味。

春未歸時花已歸。落花那識晚春悲。分明一樣燈前坐。斗覺寒生恰為誰。

浮生聚散苦情多。五日纏綿奈汝何。今夜江城月如

雪。玉人何處一聲歌。

五月二十一日還山。留別蘓杭親友。

八旬人別武林城。回首西湖尚有情。倘與諸公緣未

盡。三年來聽鹿鳴聲。余戊午舉人。再隔三年。又戊午矣。

妙手調羹愛阿戎。幾番招飲醉衰翁。弟兄花似開棠

隸。越到斜陽色越紅。謂春圃弟。

寄語朱雲感未忘。當年為我訪花忙。戴家小玉今存

否。只恐麻姑鬢已霜。乙酉冬。韜六翰林同遊碧浪湖。引見戴家能詩之婢。意欲聘之。

二老三僊酒一卮。春岩。廉使女雲鳳。雲鶴。王如。王夫人。一齊觴我。全家送別

話依依。故鄉尚有遜思邈。忍說杭州竟不歸。

揚州秋聲館即事寄江雀亭方伯兼簡汪猷西
白門遊子醉華筵五月刊江細雨天難得風人招酒
事萬花叢裡小遊仙

梨園人喚大排當。流管清絲韻最長。剛試翰林新製
曲。依稀商女唱潯陽。若生太史新製秋江一闋演白
司馬故事。惠郎嬌小影伶俜。嚶々歌喉隔画屏。好似流鶯轉高
樹。不教人近只教聽。

雲鬟婀娜繡裙斜。索手彈箏客不譁。一个吳娘風調
好。當他二十四橋花。

後堂襍戲影橫陳。覆鼠籠鵝伎更新。記得空々傳妙

手。幻人原是女兒身

首坐開元白髮翁。涉江無路采芙蓉。多情幸有汪淪
在。代指巫山十二峯。

雌雄風急夕陽遲。未聽秋聲鬢已絲。露下櫻桃燈下
柳。教人各自惹相思。

回首青山隔暮朝。一双蘭漿送歸橈。班々衣上香痕
滿。都是揚州酒未消。

秦淮小集招揚州女校書王氏為藍公子酌飲。
越三日公子入山問卜妾故事方知彼妹已登
蓬室。艷此遭際各賦催粧。

邗上女兒白袷衣。青溪公子踏青歸。相逢一笑偶然事。頃刻落花天上飛。

家本瑯琊大道王。一雙眸子截秋光。比肩不笑妾身短。挽手愈憐郎意長。

投書着衫才二尺許

折柳何須問舊條。小星婚禮要人教。開箱乞與官奴帖。筆々泥金照樣抄。

淮水盈々綠正酣。兩家全住板橋南。桃根迎接開門是。不待終朝已采藍。

十三樓事久蹉跎。冷落尚書却扇歌。今日辦香郎努力。有人想作小橫波。

風月平章老去身。年來着手便成春。只緣遊得天台倦。看見桃花指向人。

留別澤亭觀察

十日平原飲正豪。一聲班馬又魂銷。甘棠樹下惟君在。相送相迎舊板橋。

迎何懽喜送何悲。芳草多情戀落暉。人自回頭車自走。淚痕彈不上君衣。

贈遺無物不橫陳。水碧金膏炤眼新。自笑侯嬴忘却老。白頭還作受恩人。

十畝方塘水石幽。風廊月榭菊花秋。為貪金谷勾留

好。不向雲臺作遠遊。

浮生聚散等搏沙。况復衰年日已斜。只恐黄河攔不往。夢魂還會到君家。

京口遇王蘭泉廷尉舟中見贈四章即與其數

答之。

廿載分襟感昔遊。一朝京口竟全舟。金山綺麗焦山冷。頗似尊前兩白頭。

謝公陶寫客中情。流管清絲夜不停。為道何堪年半老。不宜相見只宜聽。

水牕倚醉便揮毫。回首詩成調最高。想見金川麈尾

日。飛書羽檄用枚臯。

不載楊枝載桂枝。折花時是散花時。為儂寄語司關者。敝履遺簪有所思。予以桂即薦准門權使君為載往

舟中贈霞裳

一枝玉樹當筇扶。臨水登山興不孤。不是子春高第子。琴聲能入海天無。

桂榜厓名惱秀才。了义双髻是誰裁。綠章我欲天公奏。乞汝三峯架筆來。

灘急聲喧鳥不聞。胡猓滿樹嘯成羣。與君賭向船頭數。一个峯頭幾朶雲。

傳世文章豈易描。會須筆下起波濤。水堪招飲都緣
曲。山到成名畢境高。

棲賢寺贈道念上人

棲賢寺裏果棲賢。留客濛濛雨一天。多謝僧雛為買
酒。袈裟紅濕杏花烟。

過吳門有懷麗川中丞

偶泛扁舟往浙東。戟門重過意忡忡。高牙大纛依然
在。不見詩人嚴鄭公。

一天風雪水盈々。獨捲孤篷看月明。倘使公家還在
此。幾番歡笑幾番迎。

秋風九月接瑤華。紙上猶飛塞外沙。想對天山萬重
雪。還思陶令一園花。

千里相思兩鬢霜。雲峯難割九回腸。師舟老去渾忘
事。只有恩門死不忘。

遊四明雪竇七章。錄呈楓村太守。兼寄雪堂僧。

捨却肩輿換竹兜。為探雪竇作仙遊。一峯才了萬峯
起。似上青天我欲愁。

袂針綠滿寺門前。未見禪堂早見田。幾個高僧叉手
揖。袈裟吹滿縮花烟。

一條瀑布有聲聞。噴出山腰認不真。覽勝須登峯絕

瀑布旁有捨身崖甚峭。

頂興豪應讓捨身人。中夭卓立妙高臺。穿破浮雲眼界開。四面山如兒女伏。一聲呼喚定飛來。

狂客由來愛四明。果然風景似蓬瀛。不知人世藏何所。但聽僊禽奏樂聲。

上通惡像果超羣。傳說開山是此君。伏地當時參佛祖。衝天可號大將軍。相傳上通禪師即黃巢也。

十日天晴豈偶然。舟車全賴主人賢。黃堂便是西天佛。替了靈山會上緣。

回首僧房紫竹床。難禁一宿戀空桑。此身已落紅塵

去。還寫雲箋寄雪堂。

莊念農寓秦淮。聞余體有不適。招同題客西園。

試進呈新曲。

故人憐我近中年。為寫閒愁動管絃。一曲霓裳羽衣奏。公然聞在玉皇先。

龔即嬌小髮鬢。露滴芙蓉酒半酣。今夕儘歌花十

八。明朝剛是月初三。

新聲五降紫雲飄。玉艷金清字字嬌。笑我身如趙簡子。病中猶得聽鈞韶。

吳門借寓陸郎墓。題壁兼寄其外祖一飄徵君。

孤花一樹陸郎墳。草屋三間水氣重。停漿有人來假
館。青山何處不留雲。

地下童烏識我無。當年詞客換頭顱。秋階手掃霜林
葉。權作君家墓大夫。

小却華嚴十載遙。相思無處把魂招。夜深風折西窗
竹。彷彿猶聞子晉簫。

吳門遇許部郎費秀才。俱道子當八九十矣。既
覲。各驚齒未笑賦一詩。

不是年光肯倒流。諸公錯認古陽休。若論經歷人間
事。自問原宜久白頭。

寒山觀瀑布。旁有少年。奇雅。郭姓。名淳。字元會。

吳下諸生也。談久。誤易其扇歸。次日見訪。乃題

兩絕句而還之。乾隆甲午三月十九日。

流水聲中問姓名。寒山影裏序平生。多君玉立亭之
態。可是東京郭子橫。

取看紈扇置懷中。忘却歸還彼此同。搖向花前應一
笑。少男風換老人風。

同月四日。保礪堂。朱立齋兩參戎。常東湖揚鏡
村兩明府。相約看花。雨阻不至。戲寄二首。兼贈

芝仙校書。

誰挽銀河種玉蓮。橫塘一路水如烟。小車迎得靈妃步。不是雲仙是雨仙。

孤負蕭齋酒一卮。將軍令尹盡來遲。如何攀世看花眼。不看人間第一枝。

與商寶意司馬宿王禹言太史齋中臨別奉贈。

鸞飄鳳泊一千年。流水行雲意洒然。但使人間喚生佛。勝教天上作頑仙。

烏衣巷裏解鳴珂。月下彈箏口口口。口榻梅花同日別。口官偏惱兩人多。

新將錦石擣流黃。應索瑯琊繡榻襦。寄語青溪張好

好好風果屬往來商。公納秦淮張姬故調之

千行水調入秋雲。一卷文傳記錦裘。欲使青蓮低首拜。南朝只有謝將軍。

三更風卷紫羅紗。春雨盈空損蠟花。為我當年惆悵事。自敲檀板撥琵琶。

蓬海升沉話寂寥。江州司馬莫蕭騷。詩人都到青雲頂。誰領湖山訪六朝。

秦淮小集座有歌郎上元許令目憚之即亟引去。余迂許憐郎而調以詩。

五日蟠桃花事新。衆仙同日咏宜春。傳呼驚聽劉安

到口存端娥避寡人。

金燈紅照柳千行。風動珠簾鳥忽翔。惆悵秦淮花雨

岸。南河春色北河霜。

暫辭鴛鴦舊班行。旦逐簫聲引鳳皇。忙殺蘭臺一枝

華。半修眉史半催粧。

兒時釣戈武林城。此去書窓月尚明。只恐香閨繆絡

動。轉疑鈴索響西清。

多感羣仙送暮雲。真珠密字贈紛紛。明年定步花磚

早。代聽鷄鳴有細君。

洲上寄同官許南臺

時亦有文洲之役

雙驅鎮日白門東。芳草催人上短篷。一夜江雲如墨

色。知君同在浪華中。

好詩難與官同作。新俸常愁鶴要分。此日烟牆沙鳥

外。吟聲過盡楚天雲。

莫把江租增冊上。恐教柴價長城中。東南民力今何

似。不進盈餘是聖衷。

盈々一水路悠悠。君在南洲我北洲。可有新詩來作

答。只題花葉付中流。

樂城留別

陌上花飛五夜風。文霞人名光映彩雲紅。碧梧翠竹

三千樹鳳鳥曾接定不回

一夜郵亭落月遲輕塵短夢兩難知臨期若問重來

日腸斷揚花滿路時

將歸白下別莊大中丞

閒雲偶過玉闌干曾費華堂兩頓餐今日春歸儂亦

別新花携上小船看

朱履平拖棨戟前江湖道術兩悠悠不存羊點雲泥

迹恐把初心愧昔賢

杜甫潭西久寂寥滄浪亭上兩回潮花間不唱高軒

過知有憂民病未消

連宵風雨代春寒不特花殘客也殘賦別江淹留贈
語得君容易得民難

夜過金賢村明府即席有作

揚州司寤許宵行夜踏新城進舊城一柱金筆兩行

酒有人剛唱淚盈々

元官風貌似花嬌玉笛吹殘病未消生恐敬兒全体

熱教儂親手試瓊瑤

子野聞歌喚奈何盈々方寸起星河要他步上蓮花

怯小製纏頭吉莫靴程元萬贈靴元官嫌小

絲哀竹濫角聲哀雪滿前溪月滿山我本龍華同會

客愛吹尺八謫人間。

到蕪別。嬌女出見。喪服將終。而年才十九。傷懷

口號

漠々風寒錦瑟絃。飄々髻髮尚垂肩。傷心三歲成嬌女。還是人家未嫁年。

宿蕪別。蔣氏復園題贈主人。

白門新桂竹皮冠。為愛梅花不作官。今日名園偏晚到。萬株香雪點燈來。

為儂安放竹床邊。剛在花明柳暗天。侵曉主人尋不見。早同鷗鳥立寒烟。

春雨瀟々滴滿階。春宵夢短眼頻開。銀燈紅淡竹牕響。半夜月明仙鶴來。

縹帶橫陳萬卷餘。娉嬛小大鎮相於。人生只合君家住。借得青山又借書。

碧檻紅欄屈曲成。海棠含雨近清明。半池雪霽水微綠。坐看野塘春水生。

亭孤容易夕陽斜。空塔金泥射落霞。每到細烟生水上。晚鳥啼出隔樹花。

青山顏色主人恩。相別能教不斷魂。水竹風情花世界。恰曾消受幾黄昏。

蕪別詞少

卷二

三

邦江雅集詩有序

野叟山居忽作揚州之夢。春江水漲遂拖白
下之舟。纜繫階隈。花迎阮屐。則有臺使香泉
先生。早登僊掖之班。出視淮南之漕。幸相逢
而握手。蒙枉顧以移尊。扶輦門坐我。携雕武
當筵。歌者君愛何戲。坐忘春夜之寒。少男風
襲人。奪桃花之艷。玉樹枝聯。當金迷紙醉之
餘。為換羽移宮之舉。一則才狝狂簡。願依謝
傳門墻。一則歌帶書聲。堪作袁綵弟子。深々
下拜。兩々傾衿。折柬以叙同門。聽呼小友。升

堂而問詩字。互喚先生。更喜江左王珣。朝歌
吳質。牽雲曳雪。聯襪倚裳。或質禮以通名。各
交懽而盡意。昔人西園之集。南反之遊。其克
具此豪情。方茲韻事也哉。僕方來跨鶴。旋去
揚帆。識歐九之風流。忍向龍門而揖別。忘江
淹之才盡。命操禿管以成文。記就一篇詩。成
三叠。此日平山堂下。齊聽佳話之傳。何年羣
玉峯頭。再續雲僊之會。

華筵移置阿咸居。蒙移尊家一朶瓊花載後車。絕好
齊梁詩弟子。何妨師事沈尚書。

入坐風神玉樣清。可憐毛髮亦聰明。賦琴新把嘉名錫。乍喚和卿聽尚生。計五官謝公賜字賦琴
解托多情杜牧之。寄聲山裏說相思。僊桃無福移來種。還托東皇好護持。

到漂陽看鵬姑。甫宿紅泉書屋作。

十四年前宿壻鄉。餘溫猶在舊眠牀。入門最是傷心處。不見懽迎白侍郎。

侍郎閒話每三更。頭觸屏風耳尚聽。今日蕭蕭白楊下。可憐窮語尚丁寧。

欲看園林似舊無。女兒指引外孫扶。桃花對我嫣然

笑。似識前來一老夫。

諸郎排日飲衰翁。盤盞銀光射眼濃。上有兩江清俸

字。分明即是孔惺鐘。文靖公曾署兩江總督

鵬姑才似女相如。健婦持家綽有餘。記否當年燈火夜。替爺數典替抄書。

安世侯傳二百春。更聞天上降麒麟。翩翩喜見佳公子。三試都為第一人。謂元圃世講子錫疇新參芹

衰年臨別意綢繆。借看圖書又上樓。絕似飛鴻憐爪

迹。閒花野草尚勾留。

三宿紅泉酒未消。春風吹雨濕征袍。回頭尚有關心

事未奠喬公一太牢未掃文靖公墓此心缺然

彭鏗一見慰離懷。便似曇花不再開。他日夢中如識

路。定教着翅再飛來。謂彭貢園先生

隨園絕句抄卷七終

隨園絕句抄卷八

贈寄類一

兩接香亭家信。戒我遊山。賦詩答之。

七十扶筇涉險忙。阿連屢次戒行裝。那知此老有天

幸。六月在途如許涼。

樂府休歌行路難。江山原待達人看。飯來更有心開

事。竹比去年多幾竿。

荆樹殘花剩兩枝。弟兄白髮倚相思。為言黃海人飯

矣。官海人飯在幾時。

吳下歌郎吳文安。陸才官供奉大內。已有年矣。
今春為塋親故。乞暇南歸。相遇虎邱。畧說天上
光景。且云。此會又了一生。余亦惘々情深。凄然
成咏。
宜春苑裏飯來客。三十年前識面多。絕代何戡都白
髮。貞元朝士更如何。
握手臨岐話再逢。淚痕吹下虎邱風。自言身比天花
墜。一到人間一世終。

乳媪姚氏挽詞

阿如乳媪姚氏。在余家十一年。頗貞靜。今年

過吳江。為小奴擔水。其夫疑之。媪怒投水死。
防妻李益本模糊。李下瓜田孰辨誣。難事世間惟有
死。竟將此事曉兒夫。
在象嬌女嬰媿日。曾受斯人乳哺恩。今日一棺吳下
掩。教他剪紙與招魂。

戲答醫者

業已清齋學太常。醫師還勸撒羹湯。思量養病無他
法。合伴夷齊餓首陽。

戲答香亭弟問足疾

知君手足最情多。問我蹣跚足若何。我學禽言吟向

汝道行不得也哥々。

正源勸病起尤宜珍攝再謝一詩。

張華慮在平吳後。土變憂深克楚前。同是超々元著意。知君不愧古時賢。

香亭信來。聞予為逐客。戲寄一首。

白下蹉跎二十霜。正愁無計整歸裝。果然逐客真吾福。如此西湖在故鄉。

送阿遲就婚苕溪沈氏

東陽族姓一村稠。弄壻人來定不休。只恐金閨有徐淑。催妝索句替兒愁。

記得兒生鬢已絲。向平有願畢無時。今朝看汝成婚日。喚作遲郎竟不遲。

陶京山六十索詩

花甲筵開深柳堂。南都人祝魯靈光。我來高唱蓬山曲。三十三年話正長。

記訪江南第一仙。長安二月杏花天。祇今尚有金臺月。曾照當初兩少年。君戊午科江南第一

江左飛鳥遇故交。琴堂幾度聽雲璈。只談風月無餘語。想見襟期華嶽高。

滇南循吏首相推。閩海歌聲遍草萊。誰料淵明家法

在。種成五柳便歸來。

菟裘何處築。墻東天為安排。一畝宮。絕好青溪起華屋。經綸重展水雲中。

月榭風廊高復低。垂楊飄蕩水亭西。玻璃窻隔三層望。就使神仙坐也迷。

仙鹿啣々隔院薛。古梅修竹自橫斜。今年應囑看園叟。添種蟠桃一樹花。

仙家夫婦有劉綱。同醉瑤臺紫玉觴。月姣生辰春更早。樊英先拜又何妨。夫人長先生五月

繞膝瓊枝繞砌蘭。一家風月慶團圓。晉陽刺史真純

孝為捧流霞暫挂冠

滄桑世事且休論。同看官袍舊酒痕。長願香山兩耆舊。至々白髮說開花。

方次耘司馬遣朱郎餽食物。戲書其扇當輓脚錢。

家化橫塘烟雨鄉。曾經歌曲唱伊涼。憐卿身似小楊柳。才別幾時如許長。

為陶西園催粧

故人遠去最消魂。萬里携囊襪被身。欲折長條無別物。自家山裡一枝春。

小園凍合短長橋。漠兮寒雲雪未消。一夜老梅來破
鴈。東風入日是明朝。

小紅歌罷衆山青。楚雨吳雲一路情。更愛河陽種花
日。天桃先傍馬頭明。

贈虎丘主人杜開周

前樓秋水後樓花。杜牧三生髻已華。我學山塘好明
月。中秋時節到君家。

西隣借得好樓臺。怪底軒窗面面開。風送衣香扇響
縹。水邊時有麗人來。

輕舟遠泛洞庭煙。八日歸來秋滿天。丹桂已殘香未

散。一堆黃雪小牕前。

相知已是廿年餘。感舊難忘見面初。同向風塵識豪
傑。梁溪還有老尚書。謂拙修宗伯

園中芙蓉盛開。病中不得見。戲題一絕寄調章

淮樹太守。家春圃觀察。香亭別駕。

九月芙蓉開滿園。病夫無福倚欄干。妬妻瘧母真相
似。家裡紅粧一見難。

謝霞裳寄藥方。兼訊病中光景。

八十遊山一枝支。童心猶似少年時。幸虧二豎來相
訪。甚矣吾衰始得知。

寄霞裳

記得離筵燭影孤。兩人倚枕聽啼鳥。無端忽下傷心淚。灑向君衣乾也無。

清明再寄

假墓倉山有玉人。即行誰把紙扇焚。清明儂掃先人墓。為汝分羹奠細君。

哭高東井孝廉有序

東井名文照。湖州武康人。高才博學。父為南捕通判。有廉名。東井寺甲午鄉試。客死京師。年三十無子。

風傳消息自幽燕。聽說斯人不永年。循吏兒郎好才子。一齊抹掇也由天。

二十萬言書誦畢。八千餘紙手抄忙。不知一片心頭血。客邸誰收古錦囊。

目空四海無前輩。心折千篇有老夫。此日等身諸著作。九原抱著見韓獝。

□情夜燭與晨燈。甚矣吾衰仗後生。豈料挈雲心事健。□枝秋桂了前程。

某明府以家姬見贈。余却之。已而聞其強死。余轉悔不受。以按之。于苦海也。自撰一章。

落花當年手不接。此身有愧。救生船。玉溪生最多情者。偏却東川張懿仙。

歌者天然索詩

何必當筵唱浣紗。但呼小字便妍華。萬般物是天然好。野卉終勝剪絲花。

雌霓雄風總可憐。春蠶到老愈纏綿。摩挲便了三生願。與汝同超色界天。

寄奠門

江南江北路迢迢。同是門前水一條。一日兩家流不到。如何人不似春潮。

寄答樹齋雨林

香桃飄雪柳拖綿。公子題襟又一年。惆悵春泥沒入掃。馬蹄留迹在門前。

花箋爭寄水雲遙。白雪清商韻共飄。想見通侯門第靜。一家天上奏簫韶。

怪我遲々答報章。半年聽雨宿橫塘。君看天外孤雲影。料見幽閨轉是忙。

惜別吳兒淚滿衣。至今江柳尚依依。知情只有司花鳥。銜着櫻桃向北飛。

寄聽娘

尋常並坐猶嫌遠。今日分飛竟半年。知否蕭郎如斷
雁。風飄雨泊灞橋邊。
一枝花對足風流。何事人間萬戶侯。生把黃金買離
別。是儂薄倖是儂愁。
杏子衫輕柳帶飄。江南正是可憐宵。無端接得西征
信。定與樵青話寂寥。
上元分手淚垂垂。那道天風意外吹。累汝相思轉惆
悵。當初何苦說歸期。
思量海上伴朝雲。走馬邯鄲日未曛。剛把閱情要拋
撇。遠山眉黛又逢君。

雲山空鎖九回腸。細數清宵故夕長。不信秋來看明
鏡。爲誰添上幾重霜。

答望山公見寄

兩年不聽簫韶響。千里吹來老鳳聲。三十六章珠一
串。人間天上兩閑情。
傳聞扈蹕侍君王。手挽強弓射白狼。惹得從圍三
百騎。一齊驚着老平章。
數賜平泉草木新。知公一到倍精神。千紅萬紫來如
海。半是君恩半是春。

升平無事早朝歸。定脫朝衫坐釣磯。可覺青山圖畫

裏旁邊少个野鷗飛
 記否西園夜氣清。商量文史坐三更。婆娑元老飄蕭
 客相對常如兩學生。
 佳浦依依送別秋。高軒臨去怕回頭。至今幾點彭宣
 淚。一向黃河尚北流。
 二桑人事二年中。欲說頻教眼欲紅。惟有棲霞老松
 樹。平安如舊只思公。
 柴門久不受人敲。今日傳箋馬又驕。留着門前馬蹄
 迹。鄭翁看見也魂消。

答人問隨園

想送隨園到汝前。商量圖畫與吟箋。畫來不若吟來
 好。元九曾夸白樂天。
 北門橋轉水田西路。少行人鳥漸啼。遙望行雲遮半
 嶺。此中樓閣有高低。
 四圍有樹總無隣。孤塔臨風獨倚門。最是一株銀杏
 古。參天似表此山尊。
 十字長廊接綺寮。繞廊流水影迢迢。遊人知住杭州
 客。湖上雙堤又六橋。
 夫容楊柳種千行。半拂溪流半繞塘。為有池蓮開並
 蒂。水中亭子學鴛鴦。

澄碧泉清足浣紗。相公題作小樓霞。怪峯壓屋似堆
浪。衝着幾叢丹桂花。
十三間屋最玲瓏。恰好梅開坐上風。霧閣雲牕隨步
轉。至今人不識西東。
五色玻璃耀眼鮮。盤龍明鏡置墻邊。每從水盡山窮
處。返照重開一洞天。
插架琳琅萬卷餘。商盤周鼎鎮相於。時時縹帶琮瑋
響。風意如夸有異書。
一房才畢一房生。鎮日房中屈曲行。窗外風聲簾外
雨。主人只是不分明。

綠淨軒中草色含。水晶域外露華酣。忽然四面空青
色。第二重天號蔚藍。
紅雪嶺山四季紅。不開花日與開同。方知天下春歸
處。都在先生此屋中。
此外經營力不支。儘將隙地變荷池。有時瀑布空堂
走。卧着匡床理釣絲。
溪流南去板橋分。不住幽人只住雲。六角松亭半山
望。丹青一幅李將軍。
烟波深處置輕航。掠水穿雲意自將。憑着春風吹上
下。料應流不到他鄉。

戲點春燈挂樹梢。萬重星斗盪烟濤。魚龍出沒金銀海。那覺當頭碧月高。

闌鶴疏籬手自栽。更添鹿砦傍西齋。亭臺不厭千回改。畢竟文章老更佳。

愛將樓閣自家看。每上山巔獨倚闌。嘆息天心非艸艸。安排此處老袁安。

寄聰娘

花開時節不離君。花落琴河手暫分。二十四橋楊柳岸。春秋頻觸杜司勳。

黃鸝陌上怨啼鳥。家有春山似畫圖。三日不棲雙燕

子。櫻桃花淡繡簾孤。

贈歌者許雲亭

皮絃金柱小琵琶。上已浮橋阿子家。引得周郎屢回顧。長安春在一枝花。

霓裳曾已列仙班。天上重來解珮環。應是玉皇憐絕藝。特留一闋在人間。

答望山相公見懷

新詩讀罷儼鈞韶。逸響隨風嶺外飄。底事千年吹不斷。人間天上兩枝簫。

絢春園費幾平章。老去看花興信長。料得手栽非小

艸。○葱堯非禹餘糧。

江隈揚柳大風流。苦累東君憶不休。為道年來免攀折。縱無風雨也低頭。

偶過樓霞十月中。樓臺非復舊時同。老僧識我還迎我。間立斜陽問相公。

甘棠人去樹難堪。舊雨零星只二三。聽說黃扉猶悵望。白頭人唱問江南。白齋司寇道公作問江南曲

贈計賦琴

令君人去香猶在。任育生來影亦佳。莫更披衫臨水坐。恐教羞殺六郎花。

挽梅式菴

讀史研經四十春。終嫌竹素少傳真。九原此去無他樂。肯見古來無限人。

似村公子清江信。來訂相見之期。并寄三兄璞齋見和落花詩。

柳花白處別郎君。柳葉青時信又聞。知否愛間多病客。半年不作出山雲。

雙飛尺素遞黃柑。先訂西牕酒共酣。柔擗一枝波正綠。又插公子入江南。

沐鶴溪邊花亂開。太郎迴後小郎迴。通家便是溪頭

鶴親看仙人取箭來

三郎遠寄落花詩。清角琳琅幻婦辭。梅自過時桃尚早。竟將卷管一齊吹。

二十三日。荷塘遣人問安。戲筆答謝。

仙車盼斷夢無靈。空惹親朋側耳聽。慚愧戴逵根氣薄。前生不是少微星。

尚有人間未讀書。匆匆何必賦歸歟。多情恰感張元伯。白馬朝來訊起居。

浴湯山五絕句。寄香亭。兼謝荷塘明府。

為尋聖水濯塵纓。愛忍春寒遠出城。剛是杏花村落

好。牧童相約過清明。

方池有水是誰燒。煖氣騰之類湧湖。五日熏蒸三日浴。鬢霜一點不曾消。

延祥寺裡証前因。二十年前借住身。今日僧亡菩薩在。應知我是再來人。

野外閒行樂有餘。阿連底事勸同車。天生此水溫存性。只恐妻孥轉不如。

多謝張華地主情。道人洒掃遣人迎。耳根洗得情如雪。不聽人間事不平。

謝女弟子碧栢蘭友題。隨園雅集圖。

咏絮才原出謝家。双之珠玉鬪妍華。披圖頃刻香風起。開到西湖姊妹花。
掃眉才子兩瓊枝。自署門生遠致辭。不怕程門三尺雪。兒家情願立多時。
惹得袁絲喜欲驚。千秋佳話在門庭。河汾講廊公侯滿。可有天邊織女星。

許邱席上追和莊念農刺史景陽閣韻。

霜林十月小陽春。蕭寺題詩粉壁新。傳說瑤池仙子會。滿身香雪看花人。

袁絲無福扣元關。打棹橫塘客未還。讓與羣公秋世

界。半江紅樹一樓山。

莊周久不聽青稊。忽遇飛瓊又賞音。可學聞香僧破戒。十年一動看花心。

紅兒寵盡雪兒誇。聽過啼鳥又曉鴉。只此簾前方寸地。幾枝簫送六朝花。

落葉飄離雨絕天。哀絲蒙竹寫中年。青蓮何在東陽老。月領浮生亦黯然。謂晴江補蘂

荆楚歲時記。七月八日雨。名洒淚雨。蓋調牛女也。戲和香亭五絕句。

才過七夕雨如絲。說是双星別泪垂。怪底凄々聲不

響想應瞞着怕天知
鳥鵲橋空行路難
銀河風急起波瀾
織來雲錦三千疋
儘拭啼痕恐未乾
惹他兒女盡消魂
都想乘槎一問津
侵曉夫妻兩行淚
不知先落是何人

雨散雲飛夢易垂
人間多少別離哀
倘教都學黃姑樣
海水還愁天上來

羨殺匏瓜樂未央
生來無匹影幢幢
有情便有□□
□就作天星莫作雙

悔軒一棹之中驟遷觀察
再遷方伯索詩為賀

兩度恩綸下玉京
三遷官不出江城
風高大覺雲行速
惹得聞鷗聽也驚

更喜新衙接舊衙
半條街近好移家
官遷真箇當遷似
只隔一牆紅杏花

中山王府舊樓臺
迎過鑾輿花尚開
此日遭逢勝元九
遷官兼得住蓬萊

東南民力近何如
儒者經論定有餘
好惜分陰懷祖德
青燈還擲幾行書

北海尊開酒不辭
匡衡翼奉本同師
自憐三十年前客
合有瞻園老樹知
與公同出孫文定公門下

曾賦園中景十篇。曾交碑碣記先賢。而今得遇文章伯。合浦珠還豈偶然。託尚書瞻園碑。現寄隨園。公將歸之。

答問

昨夜燈前酒未乾。今朝曉露濕征鞍。重來一問尋常話。奈我衰年答最難。

徐朗齋讀此詩而哀之。為代答一首。

八十華顛千里路。後期重訂謝紅妝。餘杭酒熟吾還到。只恐麻姑鬢有霜。

詩會分咏美人。霞裳拈得綠珠。連作五首。不愜余意。乃請老人擬賦兩章。恐有鮑老登場之誚。奈何。

一斛珍珠聘禮成。美人心上尚嫌輕。珍珠似妾原無價。妾比珍珠恰有情。

人生一死談何易。看得分明勝丈夫。聞說息姬歸楚日。下樓還要待兒扶。

庖人揚二事。余有年。忽然化去。不能無詩。

護世城中失好厨。鬱單天子召雍巫。誰知教導儂非易。犢鼻裙穿幾世觚。

代庖後此誰能繼。舉箸先教我欲愁。辜負芙蓉開似錦。不曾招客泛扁舟。

賴有婆婆老孟光。重番洗手作羹湯。勝他當日黔婁

陸園雜錄
婦。枉祭先生祝尚亨。

班竹贈潘校書兼調香嚴

陡遇仙山一朵雲。小樓春暖百花熏。昆邪自覺衰如許。不入檀幃惱細君。

寄語摩登淨房。香嚴童子貌相當。巫山努力行雲雨。一夜谿聲助汝忙。

未死春蠶尚有絲。白頭無奈兩瓊枝。遲眠私取銀燈照。要看桃花受露時。

諸公輓章不至。口號四首催之。

久住人間去已遲。行期將近自家知。老夫未肯空歸

去。處處敲門索輓詩。

輓詩最好是生存。讀罷猶能飲一樽。莫學當年癡宋玉。九天九地亂招魂。

莫怪詩人萬念空。一言我且問諸公。韓蘄李杜從頭數。誰是人間七十翁。

臘盡春歸又見梅。三才萬象總輪回。人々有死何須諱。都是當初死過來。

金賢村太守來自黔嶺。小住秦淮。七夕前一日。牽諸侍者。枉駕隨園。索詩作贈。

群柯太守好風情。吹竹彈絲過一生。萬里歸裝無別

物侍兒漆箇董双成

兩家都有十眉圖。姊妹萍逢典不孤。迎得雲仙剛七

十。藕花風裏說兒夫。

換馬姓也當年興頗豪。香燈涼月手相招。而今相見

添惆悵。似有心頭債未消。

一朵瓊花態最幽。十年前已遇揚州。見卿不見雲扶

妹。惹我滄桑萬種愁。壬午夏。余尋春揚州。雲扶妹為

讓典賢付。今忽々十四年。雲扶以晚難忘久矣。

康姬風調果超群。一笛吹開水上雲。偏與袁絲同小

字。合教新婦配參軍。余小字瑞官。而康姬亦名瑞姑。

小病慙々白髮翁。水窗摧借板橋東。如君才許秦淮
住。十部笙歌拜下風。

贈李郎

即為尹文端公從者。別七年矣。入山感舊。與

至書舍。檢文端公手迹。皆即當年所持來者。

於邑不已。因口號三絕句贈之。

未入門先兩眼紅。知卿感舊意忡忡。十年重到前遊

處。可是山中是夢中。

風臺月榭幾回新。世事滄桑那可論。一个漢郎比前

老。桃花相見也消魂。

上相當年賜和章。是誰騎馬替傳將。而今同啓紗籠看。一紙雲烟淚萬行。

席上贈楊華官

即小字華官。沈文愨公。字曰澧蘭。

一曲歌成揚白花。生男從此重楊花。泥金替寫坤靈扇。當作三生繫臂紗。

幽情填个澧蘭如。前輩標題字豈虛。檢點侍兒小名錄。不禁腸斷沈尚書。

美如任育兼看影。清比荀郎似有香。禁得風前訴幽咽。華清閣下咏霓裳。方演長生殿

寄江橙里主人借西磧山莊

當年曾被梅花引。得到蓬萊最上巔。今日將身棲下界。不禁清夢繞諸天。

幸喜劉盧仙籍通。舊相知是主人翁。數行代勒嫗嫗託。也算磨崖第一功。主人命作西磧山莊記

三年聞說無人住。綠滿空庭草未除。我與間鷗謀拜賜。水邊林下各分居。

平生踪跡等搏沙。料理雲烟頗自夸。豫辨青谿苔葉帚。為君石上掃殘花。

騰嘯臺高萬嶺低。獨眠人住怕孤棲。未知紫府清嚴地。可許劉綱挈小妻。

伯通廬下暫棲遲。敢學鷓鴣占一枝。幾朵雲生幾楓
落。定書花葉報君知。

不借荆川借太湖。買山有券借山無。遙知三萬六千
頃。一笑公然付老夫。

有織藤盤妓甚姝。而蠻語難辨。戲贈一詩。

明眸皓齒好身大。可惜兜離語要猜。安得巫山置重
譯。替儂通夢到陽臺。

聞蕙別丁姬事有感

附草休教附蒺藜。落花何必落污泥。玉兒一死真難
得。可謂蕭郎貨色低。用徐世標向梅峴兒語

汪芝圃姬人李氏國色也。亡後來索挽詩。

當年平視學劉楨。老眼看花早喫驚。道是姝娥天上
降。人間未必許長生。


連喪往兒事可哀。美人未死己心灰。可能追向重泉
去。抱得双珠再轉來。

老夫久不渡江津。倘到華堂也愴神。安得潛英東海
石。披帷重見李夫人。

春夢難尋月易斜。同喪蓬室而親家。去秋余亡金替
姬蒙君賜序

君拭淚為君囑。莫種人間得意花。

前詩未寄。而芝圃又來催促。戲答一章。



汪倫老去情何重。輓妾徵詩勸不休。笑殺東山謝安石。不曾同樂要同憂。

喜奠門主事改官編修

一行丹詔下蘭臺。海內風人笑口開。爭說聖朝能得士。此官終見此人來。

明中官降暗中遷。天眼遲開四十年。可似修真老張果。白頭才許作雲仙。

笑問花磚影若何。當年老子也婆娑。忝為先輩無多日。只隔過之十六科。

隨園絕句抄卷八終

